



La via dal pader

Proposta da Joachim Wasescha

**Savognin, chasa communala - Lai Barnagn - Riom - resgia - Albeiras -
Salouf - Mulin vegl - Del - Mon - Plangs - Stierva**

Durada:	4 uras
Distanza:	12 km
Differenza d'autezza ensi:	650 m
Differenza d'autezza engiu:	450 m
Spezial:	la cuntrada miaivla las vischnancas cun lur baselgias en mintga vischnanca datti in'ustaria ils Capuns en l'ustaria Bellavista a Stierva la via porscha naginas difficultads ed è adattada er per famiglias

I è er senz'auter pussaivel da far mo in toc da la via.

La via cumentza tar la chasa communala a Savognin e va suenter la Gelgia enfin Barnagn nua ch'ins traversa il flum. I cumentza dad ir ensi, tras Riom, e bain spert suenter ins traversa la val dal Adont ed ins vegn si Albeiras cun ina bellezza vista sin Sotgôt. Ins descenda a Salouf nua ch'ins po admirar davant la chasa pravenda la sculptura dal pader sco chatschadur cun in chamutsch si dies. Ins passa la baselgia da son Giera e pauc pli tard la resgia ed il mulin a la riva dal Balandegn. Ussa vai puspè a munt tras la fracciun da Del cun la baselgia da son Roc e pac suenter cumentza la descensiun a Mon. Ins passa tras vischnanca ed i cumentza puspe ad ir ensi enfin Plangs e pac suenter ins è già a Stierva.